

玉

海

九十五

玉海卷第一百九十三上

梁儀王應麟伯厚甫

兵捷

兵捷

露布

五

建隆親征澤潞淮南

建隆元年四月戊子討澤潞五月己未親征六月己巳朔至澤州辛巳克其城李筠死乙酉克潞州丁亥守節降十月庚寅親征淮南李重進十一月丁未次大儀石守信奏揚州卽破請上臨視是夕拔之重進自焚四年收湖南北六年收蜀十三年收南粵十

七年定江表內則吳越閩海歲奉貢職外則交州高麗請吏嚮化而契丹修好之使數至闕庭 石介頌曰旣翦二盜聖武輝耀荆潭蜀吳如拔腐草如火烈烈如飈發發口授臂指虹銷霧豁

湖南行營都總管慕容延釗平高繼冲

建隆三年武陵周行逢卒衡州刺史張文表率兵攻潭州行逢子保權初自立乞師于朝廷以爲救援乾德元年正月七日庚申詔以山南東道節度使慕容延釗爲湖南行營都總管宣徽南院使李處耘爲都監率兵討之發安復郢陳澶孟朱亳潁光等州兵會

襄陽以郢州刺史趙重爲先鋒都尉以淄州刺史尹
崇珂爲行營馬軍都指揮使師至荆門保權已擒文
表殺之二月十一日己未王師入荆南高繼沖請舉
族歸朝時王師略出荆渚繼沖卽日迎延釗入城聽
命以三州十七縣來歸自是江陵數郡皆平之三月
二十六日壬戌克武陵初保權旣殺張文表復謀拒
命故王師鼓行而前大破其軍於澧州乘勝入其城
保權遁盡有湖湘戊寅捷書至羣臣稱賀凡得州十
四監一縣六十六石介頌曰聖機神謀天祕地藏
旦秣我馬夕取其疆

西川行營都總管王全斌平蜀 崇元殿

受俘

乾德二年

歲在甲子

十一月甲戌詔曰朕掩定萬邦於茲

五稔陳師鞠旅出必有名伐罪弔民動非得已矧惟
邛蜀久限化風舞階詎識於懷柔于紀自貽於禍豐
近禽獲西川僞樞密院大程官孫遇等二人搜得孟
昶遺河東劉鈞蠟書潛相表裏欲起寇戎致姦謀之
自彰蓋天道之助順將定一方之亂難稽六月之師
爰命將臣俾正戎律建靈旗而西指授成算以徂征
言念坤維久沈汙俗旣爲民而除害必俟后以來蘇

式清全蜀之封止正渠魁之罪已戒師徒務遵法律
凡彼黎烝勿懷憂慮以忠武軍節度使王全斌爲西
川行營前軍兵馬都總管武信軍節度使崔彥進副
之樞密副使王仁瞻爲都監史延德爲行營馬軍都
指揮使張方支爲步軍都指揮使張凝爲先鋒都指
揮使王繼濤爲濠寨使康延爲馬軍都監張照爲步
軍都監田仁明濠寨都監白全斌而下率禁軍步騎
二萬諸道兵一萬由鳳州路進討又以寧江軍節度
使劉光義爲西川行營前軍兵馬副都總管樞密承
旨曹彬爲都監張延翰爲行營馬軍都指揮使李進

卿爲步軍都指揮使高彥暉爲先鋒指揮使白延誨
爲濠寨使米光緒爲馬軍都監折彥斌爲步軍都監
王令畧爲先鋒都監郝守濬爲濠寨都監楊光美爲
戰權左右廂都指揮使自光義而下率禁軍步騎一
萬諸道州兵由歸州路進討乙亥宴崇德殿太祖召
全斌示川峽地圖授以方略仍令所至之處以前詔
告諭吏民丁丑兩路將帥發京師十二月全斌等收
復乾渠渡萬仞燕子二寨下興州敗蜀軍七千人獲
軍糧四十餘萬石乘勝連拔石圖魚關白水等三十
餘寨

丁未師會于鳳州已酉取青泥關路入蜀界

是月史延德等進軍至

三泉寨敗蜀軍數萬人，生擒僞招討使韓保正副使李進等，又獲軍糧三十餘萬石。三年正月，劉光義收復三會巫山等寨，殺僞將南光海等五千餘人，生擒戰懼都指揮使袁德宏等千二百人，奪戰船二百餘艘，又殺水軍三千人。又拔夔州，初光義將行，帝以地圖示之，指夔州鑠江處，謂光義等曰：「至此我軍沂流而上，勿以舟師爭先，當以步騎陸行，出其不意而擊之。俟其稍卻，卽以戰懼夾攻，取之必矣。」及捷奏至，乙亥帝問其狀，果如所料。王全斌等拔利州，得軍糧八十八萬石。崔彥進、康延澤等逐蜀軍過三泉，殺戮獲虜甚

眾遂至嘉州進擊金山寨又破小漫天寨至深渡蜀人依江列陣以待我師彥進發遣張萬支等擊之奪其橋會天暮蜀人退保大漫天寨詰朝彥進萬支與康延澤分兵三道擊之蜀人悉以精銳來拒又大破其眾乘勝奪其寨禽寨主王審超監軍趙崇渥又獲三泉監軍劉延祚蜀將王昭遠引兵來救遇我師三戰三敗追至利州北昭遠遁去渡桔柣江焚浮橋退守劔門王師遂入利州先是旣至嘉川會蜀入斷閣道未得入王全斌議欲取羅川路入康延澤謂延祚曰羅川路險軍士難進不如督修閣道取大路與全

斌會於深渡彥進然之不數日閣道成遂進兵王全

斌等收復劔州

丁丑

殺蜀兵萬餘人止擒僞都統王昭

遠步軍都指揮使趙崇韜先是王師發利州至益光
全斌會諸將令各陳進取之計侍衛軍頭向韜曰得
降卒牟進言益光江東越大山數重有小路名來蘇
蜀人於江西置寨對岸有渡路出劔關南二十里至
青強店與大路合可於此進兵則劔門之險不足恃
也全斌等卽欲領兵赴之康延澤曰來蘇細路無煩
王師自往且蜀人自與官軍相遇數戰數敗今聞併
兵守劔門不如諸帥協力攻取命偏將趨來蘇若達

青强北擊劍關與大兵夾攻破之必矣全斌等然之

遂命史延德等分兵趨來蘇起浮橋於江上蜀人見

橋成卽弃寨而遁昭遠聞延德至青强卽引兵陣於

漢源坡上留偏將守劍門全斌等以銳兵直擊遂破

之昭遠崇韜皆遁走全斌遣追之悉生致焉劉光義

等收復萬施開忠四郡至遂州知州陳愈出降旣而

全斌領兵至魏城十三日甲申蜀主孟昶遣使持表詣軍

門降先是昶未昶遣伊審證齎表全斌令康延澤領騎兵百人入

成都安撫乙酉馳捷書入奏全斌入成都後十餘日光義始自峽路至三

年正月十三日王全斌兵至魏城孟昶請降昶傳云正月

一日壬午降

自發京師至昶降才六十六日

二十五日詔陶穀約前代儀

制損益草定受降之禮五月十六日丙戌昶至前一日有司設御座於崇元殿陳仗衛於庭如元會之儀爲昶及僞官設次於明德門外設表案於門外橫街之北是日大陳諸軍昶及子弟僞官李昊等三十二人至闕下昶以待罪奏授閤門使使持表入昶等俟命表至侍臣讀表閤門使承旨出昶等俯伏於地宣制釋罪入見於崇元殿百官起居訖昶入起居舞蹈再拜昶出百僚稱賀禮畢御明德門觀諸軍還營宴近臣及昶於大明殿

凡得州四十六縣二百四十

初荆湖旣平上召見穆昭嗣問蜀中山川曲折之狀昭嗣曰荆南卽西川江南廣南都會之衝旣克此則水陸皆可趨蜀又董樞上書請伐蜀會蜀使孫遇等二人閒行持蠟書如太原約劉鈞同舉爲疆吏所獲上曰朕出師有名矣詔遇等指畫江山道里及戍守之處畫地圖以示王全斌等燕崇德殿上曰西川可取否全斌曰臣仗天威遵廟算刻日可定史延德曰西川若在天上人不能到若在地上以今兵力到卽平耳上壯其言曰汝等果敢如此計日望捷書至又曰所破郡縣當傾帑藏爲朕賞戰士朕所取惟土疆

耳故人皆效命

瀛州防禦使何繼均彰德軍節度使韓重

贊破北虜

開寶二年三月戊戌車駕至太原城下四月丁未朔
命置寨城四面李繼勳軍于南趙贊西曹彬北党進
東以逼之先是北虜兩道來援一道攻石嶺關一道
由定州并人恃之何繼均屯曲陽驛命以精騎數千
拒虜于石嶺上曰翌日亭午俟捷至己未上御北臺
以俟見一騎自北來乃繼均子承睿來獻戎捷生禽
虜刺史王彥符等二人上命以所獲首級鎧甲示城

下并人喪氣彰德節度韓重贇大破虜于常山北五月癸未捷至上大悅

潭州防禦使充賀州道行營兵馬都總管
潘美擒劉鋹 明德門受俘

開寶二年九月八日

己亥朔

以潘美爲賀州道行

營兵馬都總管武陵團練使尹崇珂副之就命道州刺史王繼勳爲行營都監發諸州兵赴賀州始用師於嶺也先是廣南劉鋹爲政昏暴民皆苦之數舉兵來寇道州刺史王繼勳上言請討之時帝初爲含容詔江南李煜致書諭令歸欵鋹不聽美等討之十月

庚辰美等克賓州十二月壬寅下在昭連三州殺廣

南軍萬餘人遂下韶州

十二月辛亥拔連州

四年正月癸丑收

英雄二州二月庚午遂克廣州擒劉鋹

上露布曰

臣聞飛霜激電上帝所以宣威伐罪弔民明王以之
耀武今我國家仰稽元象大啟鴻基將復三代之土
疆永泰萬方之生聚西平巴蜀雲雷敷潤物之恩南
定衡湘江漢鼓朝宗之浪惟嶺南之獷俗獨恃遠以
偷安人皆照臨罔遵聲教僞漢國主劉鋹性惟凶惡
識本庸愚以虐害爲化風以誅戮爲政事置火牀鐵
刷之獄人不聊生設剗斫湯鑊之刑古未曾有恨刀

鋒之未快用鋸解之恣情鬻割封屠窮彼殘毒一境
告天而無路生民踏地以稱冤眾心向明如望皎日
皇帝仁深惻隱義切救焚遂發干戈拯其塗炭臣等
上憑仁武遙稟睿謀舉軍未及於半年乘勝連收於
數郡累逢戰陣無不掃除劉鋹遠懼傾危尋差人使
初則稱臣上表具陳歸化之心後則設詐藏姦翻作
款兵之計臣與將士仰憑睿旨不敢逗留於正月二
十七日甲子到柵口去廣只一程鋹乃頻遣寮佐往
來商議漸無憑準固欲浚延兼於諸路到處新出僞
命文榜皆是會合逆黨拒敵王師至二月四日庚午